

# PRÆLOQVIUM.



Isputationem præsentem tribus complectar Capitibus, qvorum *Primum* ea, qvæ ad Epistolæ ad Philemonem Historiam pertinent, *Secundum* Paraphrasin illius, *adjeatis* observationibus, Textum Apostoli illustrantibus, *Tertium* denique potiores Doctrinas, in Epistola latentes, exponet, Singula intra arctissimos limites coercedebo, contentus, quia tempore excludor, & Specimen qvalecunque edidisse interpretationis Biblicæ, & suggestisse materiam, cum Commilitonibus placide differendi. Idem enim institutum noveram jam ante Triennium placuisse Autori Dissertationis, qua *Epistola Pauli ad Titum* exposita est; Cumqve eidem inhæsum esse & Alium, qui similem Operam in *Epistolam Iudæ* propediem impendet, referente *Magnifico Praeside Meo*, didicisse, voluptate illico incensus sum, & meas circa breviorem Epistolam vires pericitandi, qvibus qvicquid defuit, privatis, mecum liberaliter institutis, Discursibus *Excellentissimi Domini Praefidis* compensatum esse grato animo merito profiteor. Nec deterre re me à proposito poterat, qvod Epistola ipsa ab argumentis, vel controversias Theologicas, vel fidei articulos complectentibus, macra quasi & jejuna videretur. Nam nec horum omnino est expers, & Doctrinis ad Christianas Virtutes pertinentibus eo magis fœcundiusque abundat. Quales materias à Cathedra Academica relegare si vellem, non impietatem tantum saperet, sed & stultitiam. Ea eom Theologia, qvæ Argumenta moralia Academicæ Considerationi subtrahit, non Theologia est, sed semi-Theologia. Qvodqve pro suggestu qvondam ab Ecclesiæ Ministro inculcandum quotidie est, idne fas sit exulare à Scholis, in quibus, qualis esse ille, & quid proponere Auditoribus Sacerdotem deceat, unice docetur? Nec ignotum est, quid maleferiati qvidam Separatistæ Academis hodie objectent, & quam ob hunc Moralium in Scholis quandoque defeculum eas-

A 2

dem